



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Archiepiscopo Senonen.

**urn:nbn:de:hbz:466:1-20006**

apud sedem apostolicam commorantes, qui de suo negotio diffidentes, ante causæ discussionem, ut magis aggravarent Eduen. Ecclesiam, recesserunt, & ad venerabilem fratrem nostrum Bellic. Episcopum & dilectum filium Abbatem de Balerna & Priorem Boniloci per subreptionem, præfatus nuncio Eduen. Ecclesiæ ignorante, literas (ut dicitur) reportarunt. Postmodum verò cum præfatus nuncio Eduen. Ecclesiæ se quidam Balmen. monachus opposuisset, eis dilectos filios I. tt. sancti Stephani in cælio monte Presbyterum & G. sancti Adriani Diaconum Cardinales concessimus auditores. In quorum præsentia cum aliquandiu litigassent, & sua scripta eidem Cardinalibus tradidissent, monachus ipse illicitiatus recessit & noluit sententiam expectare. Cum igitur cuique simus in sua iustitia debitores, & nolimus aliquem de fraude sua commodum reportare, discretionem vestram per apostolica scripta præcipiendo mandamus, quatenus convocatis ad vestram præsentiam partibus, si vobis constiterit Eduen. Ecclesiam à præfatis monachis prædictis terris & Ecclesiis præter juris ordinem spoliata, vos ei auctoritate nostra prædictas terras & Ecclesias cum fructibus inde perceptis, non obstante contradictione vel appellatione cujuslibet, resignetis, prædictis literis nequaquam obstantibus, quas etiam morte præfati prædecessoris nostri credimus expirasse. Post restitutionem verò integram alatorum & expensarum quas Canonici Eduen. Ecclesiæ in appellatione monachorum prosequenda, quam ipsi monachi prosequi non curarunt, se rationabiliter fecisse probabunt, audiatis si quid emergerit quæstionis, & illud sine debito appellatione postposita terminetis. Quod si ambobus &c. tu frater Episcopo &c. Datum Romæ apud sanctum Petrum, Idibus Maij, Pontificatus nostri anno primo.

## CAPITULO MEDIOLANENSIS.

Epist. 187.  
Vt præbendam  
& domum Epi-  
scopo Terdon-  
neni suo colle-  
ge restituant.

Sinceritatem eorum qui ferventiores in Ecclesiæ devotione persistunt, Ecclesia Romana ampliori benignitate consuevit amplecti, & juxta meritum suorum prærogativam eis debiti honoris gratiam impertiri. Insinuavit siquidem nobis venerabilis frater noster O. Episcopus Terdonen. quod cum bonæ memoriæ Celestinus prædecessor noster

eidem per apostolicam indulgentiam concessisset ut beneficia quæ habebat quando fuit ad officium pontificale vocatus, ei liceret usque ad triennium possidere, & auctoritate illius indulgentiæ præbendam quam in Ecclesia vestra fuerat assecutus, integrè possedisset, ita quod in electione Archiepiscopi vestri sicut unus Canonicorum vocem habuit, & in venditionibus aliisque negociis Mediolanen. Ecclesiæ, ipsius tanquam Canonici fuit requisitus assensus, & in instrumentis etiam manum subscriptionis apposuit; vos, super quo de prudentia vestra miramur, post appellationem ab ipso Episcopo ad nos interpositam, ex quo etiam iter arripuit ad sedem apostolicam veniendi, non expectantes terminum in ipsa indulgentia præfinitum, cum ipse (sicut asserit) non renunciaverit indulgentiæ, in contemptum Ecclesiæ Romane præsumpsistis de ipsa præbenda in ejus præjudicium ordinare, & eam cuidam Clerico assignastis, ac domum ejus non estis veriti occupare. Nos ergo (si verum est quod asseritur) revocantes in irritum quicquid per vos contra formam præscriptæ indulgentiæ in præjudicium ejus noscitur attentatum, vobis per præsentia scripta mandamus atque præcipimus quatenus tam præbendam quam domum ei restituere minimè differatis, & antequam præscriptus terminus compleatur, cum interim non intelligatur vacare præbenda, super ipsa nullum ei gravamen vel molestiam irrogetis; sed cum plena & quieta permittatis illius possessione gaudere. Alioquin noveritis nos venerabili fratri nostro Vercellen. Episcopo dedidisse firmiter in mandatis ut ipse auctoritate nostra sine appellationis obstaculo quæ præmissimus exequatur. Datum &c. v. i. i. Kalend. Iunij, Pontificatus nostri anno primo.

*Illi scriptum est super hoc.*

## ARCHIEPISCOPO SENONEN.

Cum olim dilectus fil. G. Abbas Flaviniacen. pro injuriis & gravaminibus quæ ipsi ven. fra. noster Episcopus Eduen. intulerat, ad sedem apostolicam accessisset, & ibidem non sine dispendio, si fortè aliquis adversarius appareret, diutiùs expectasset, tandem nuncij ejus post moram diutinam advenerunt: qui


tinge caput  
Cum pro. De  
concess. præb.  
in Tertia Col-  
lectione.

Epist. 188.

Vt cogat Epi-  
scopum Eduen-  
sem cum Abba-  
te Flaviniac.  
initam concor-  
diam observare.

cum parati fuissent adinvicem litigare, facta compromissione hinc inde legitima in venerabilem fratrem nostrum O. Ostien. episcopum convenerunt, eodem post multam deliberationem arbitrij sententiam proferente, quam ipse Episcopus in scriptum de utriusque partis assensu redegit, poena hinc inde statuta, si quis ab arbitrio resiliat, sicut in scripto authentico ejusdem Episcopi continetur. Inde est quod eidem Episcopo Eduensi mandamus ut sententiam illam arbitrij absque refragatione qualibet studeat observare. Si enim contra eam (quod non credimus) temere ipsum venire contingeret, nullatenus dissimulare possemus quin eum ad observationem illius, vel ad solutionem poenae statuta, praevia ratione cogere in vitum. Vnde fraternitati tuae per apostolica scripta mandamus, quatenus diligenter inquiras utrum praedictum arbitrium a partibus observetur, & per quam & ex qua causa stare cognoveris quominus ipsum observetur arbitrium, & secundum formam ipsius fiat restitutio ablatorum, nobis non differas intimare; atque in irritum appellatione postposita revocans si quid in praedictum ipsius Abbatis vel Ecclesiae suae post iter ad sedem apostolicam arreptum, & post appellationem ad sedem apostol. interpositam, temere inveneris attentatum, non permittas ipsos indebitè molestari. Verum quia antequam idem Abbas iter arripuisset ad sedem apostolicam veniendi, tam eum quam obediens ei excommunicasse praedictus Eduen. Episcopus dicebatur, & terram ejus supposuisse sententiae interdicti, licet eadem sententiae latae minus legitime viderentur, cum ipse Abbas prius ad sedem apost. (ut asserit) appellasset, per dictum tamen Ostien. Episcopum, ad majorem cautelam, munus ei fecimus absolutionis impendi. Datum Romae &c. xi. Kalend. Iunij.

*Scriptum est autem Eduen. Episcopo ut ipsam sententiam arbitrij absque refragatione qualibet studeat observare.*



HUGONI ABBATI  
Virziliacen. Ecclesiae.

Cum status Ecclesiarum & rigor monasticae ac canonicae disciplinae ex majori parte pendeat ex praelatis, utpote qui probitatis vel pravitatis exemplo vel informant subditos, vel corumpunt, cum aliquis ad officium praelationis assumitur, per quem committenda ei Ecclesia in spiritualibus possit & temporalibus suscipere incrementum, gaudemus plurimum, & electioni canonicae apostolicum libenter impertimur assensum. Significaverunt siquidem dilecti filij Prior & Conventus Virziliacen. per literas suas, & iidem dilecti filij, monachi, & nuncij eorum sua nobis relatione monstraverunt, quod G. quondam ipsorum Abbate viam universae carnis ingresso, volentes suae Ecclesiae filiali solitudine providere, in te vota sua unanimiter contulerunt, patrem te sibi & fratribus suscitantes, qui eis utilius & melius praesit & proficiat, cum te non aliunde vocatum, sed de ipsis eisdem unanimi cognoveris electione assumptum. Circa commendationem quoque personae plurimum institerunt, asserentes per eosdem nuncios & literas quod talis existas qui & temporalia utiliter dispensare noveris, & spiritualia laudabiliter ministrare, & per quem possint proficere vita pariter & doctrina. Praeterea venerabilis frater noster Senonen. Archiepiscopus per literas suas & electioni canonicae testimonium perhibuit, & personam idoneam esse asseruit ad officium abbatiae. Nos igitur super forma electionis nuncios & literas ipsorum, super idoneitate verò personae fidem dicto Archiepiscopo adhibentes, quem credimus nihil nobis contra conscientiam suggesturum, quod ab ipsis canonicè factum est auctoritate apostolica confirmamus, & praesentis scripti patrocinio communitimus. Hortamur autem ut in eo confidens qui aperit ora mutorum, & linguas infantium facit disertas, sollicitudinem, ad quam ipsius es providentia evocatus, assumens, talem te subjectis exhibeas, ut te non tam praelatum quam patrem experiantur, & sic se in bonis a te foveri congaudeant quod circa correctionem excedentium rigorem in te vigere sentiant monasticae disciplinae. Datum ut supra.

ARCHIE-

Epist. 139.  
Confirmat  
electionem ip-  
sius, hortanti-  
que ut magis  
& forti animo  
tantum opus  
aggrediatur.

Epist. 139.  
Confirmat  
electionem ip-  
sius, hortanti-  
que ut magis  
& forti animo  
tantum opus  
aggrediatur.

Epist. 139.  
Confirmat  
electionem ip-  
sius, hortanti-  
que ut magis  
& forti animo  
tantum opus  
aggrediatur.